

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ԱՐԵՎՄՏՅԱՆ
ՄԱՔՍԱՏՈՒՆ ՎԱՐՉՈՒԹՅՈՒՆ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ**

«25» հուլիսի 2023թ.

ք. Երևան

Ես՝ ՀՀ պետական եկամուտների կոմիտեի Արևմտյան մաքսատուն-վարչության պետ Գարիկ Մինասյանս, քննելով «Էմբրի» ՍՊԸ-ի (ՀՎՀՀ՝ 06953309, հասցե՝ ՀՀ, Լոռու մարզ, ք. Վանաձոր, Շինարարների փող. 12) տնօրեն Սարգիս Համլետի Կարապետյանի (նույնականացման քարտ՝ 000381301, հասցե՝ ԱՀ, ք. Ասկերան, Դանիելյան փող., տուն 34) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց՝

«Էմբրի» ՍՊԸ-ի (այսուհետ՝ նաև Ընկերություն) անունով 21.12.2021թ. թիվ 05100011/211221/0046729 ապրանքների հայտարարագրով (այսուհետ՝ նաև Հայտարարագիր) «մաքսային տարածքում վերամշակում» մաքսային ընթացակարգով հայտարարագրվել է Չինաստանից ՀՀ ներմուծված կոշիկի խելացի միջատակերի համար պլ. դետալներ՝ 1տեղ, 4,44143կգ բրուտտո քաշով, որոնց մի մասը սահմանված ժամկետում՝ 18.06.2022թ. չեն վերահայտարարագրվել:

Հետագա արտահանման պարտավորությամբ Հայաստանի Հանրապետություն ներմուծված ապրանքները սահմանված ժամկետում չարտահանելու փաստի առթիվ Ընկերության տնօրեն Սարգիս Համլետի Կարապետյանի վերաբերյալ 03.07.2023թ. կազմվել է մաքսային կանոնների խախտման վերաբերյալ արձանագրություն «Մաքսային կարգավորման մասին» ՀՀ օրենքի 310-րդ 1-ին մասի հատկանիշներով, այն է՝ հետագա արտահանման պարտավորությամբ արտահանված ապրանքները կամ տրանսպորտային միջոցները սահմանված ժամկետում չարտահանելը:

Գործի քննությունը նշանակվել է 25.07.2023թ., ժամը 15:10-ին, ինչի վերաբերյալ Ընկերության տնօրեն Սարգիս Համլետի Կարապետյանը պատշաճ ծանուցվել է:

ԵԱՏՄ մաքսային օրենսգրքի (այսուհետ՝ Օրենսգիրք) 163-րդ հոդվածի 1-ին կետի համաձայն՝ «մաքսային տարածքում վերամշակում» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան՝ Միության մաքսային տարածքում այդպիսի ապրանքների հետ կատարվում են վերամշակման գործողություններ՝ դրանց վերամշակման արդյունքներ ստանալու նպատակով, որոնք նախատեսված են Միության մաքսային տարածքից հետագա արտահանման համար՝ առանց այդպիսի օտարերկրյա ապրանքների

առնչությամբ ներմուծման մաքսատուրքերի, հարկերի, հատուկ, հակազնագցման, փոխհատուցման տուրքերի վճարման՝ պահպանելով այդ մաքսային ընթացակարգով ապրանքների ձևակերպման և դրանց օգտագործման պայմանները՝ այդ մաքսային ընթացակարգին համապատասխան:

Նույն հոդվածի 2-րդ կետի համաձայն՝ «մաքսային տարածքում վերամշակում» մաքսային ընթացակարգով ձևակերպված ապրանքները պահպանում են օտարերկրյա ապրանքների կարգավիճակը, իսկ Միության մաքսային տարածքում ապրանքների վերամշակման գործողությունների արդյունքում ստացված (գոյացած) ապրանքները (վերամշակման արդյունքները, թափոններն ու մնացորդները) ստանում են օտարերկրյա ապրանքների կարգավիճակ:

Օրենսգրքի 165-րդ հոդվածի 1-ին մասի համաձայն՝ «Մաքսային տարածքում վերամշակում» մաքսային ընթացակարգի գործողության ժամկետը սահմանվում է Միության մաքսային տարածքում ապրանքների վերամշակման ժամկետի հիման վրա, որը սահմանված է Միության մաքսային տարածքում ապրանքների վերամշակման պայմանների փաստաթղթում:

Նույն հոդվածի 2-րդ մասի համաձայն՝ «Մաքսային տարածքում վերամշակում» մաքսային ընթացակարգի գործողության սահմանված ժամկետը երկարաձգվում է անձի դիմումի հիման վրա Միության մաքսային տարածքում ապրանքների վերամշակման ժամկետը երկարաձգելիս:

Օրենսգրքի 169-րդ հոդվածի 1-ին մասի համաձայն՝ «Վերամշակման արդյունքների ելքի չափաքանակ» ասելով ենթադրվում են Միության մաքսային տարածքում օտարերկրյա ապրանքների որոշակի քանակի վերամշակման գործողությունների կատարման արդյունքում գոյացած՝ վերամշակման արդյունքների քանակը և (կամ) տոկոսային պարունակությունը:

Օրենսգրքի 175-րդ հոդվածի 1-ին կետի համաձայն՝ վերամշակման արդյունքները «ներքին սպառման համար բացթողում» մաքսային ընթացակարգով ձևակերպելիս ներմուծման մաքսատուրքերը, հարկերը, հատուկ, հակազնագցման, փոխհատուցման տուրքերը ենթակա են վճարման ներմուծման մաքսատուրքերի, հարկերի, հատուկ, հակազնագցման, փոխհատուցման տուրքերի այն գումարների չափով, որոնք ենթակա կլինեին վճարման, եթե «մաքսային տարածքում վերամշակում» մաքսային ընթացակարգով ձևակերպված և վերամշակման արդյունքների ելքի չափաքանակներին համապատասխան՝ վերամշակման արդյունքների պատրաստման համար օգտագործված օտարերկրյա ապրանքները ձևակերպվեին «ներքին սպառման համար բացթողում» մաքսային ընթացակարգով:

Ներմուծման մաքսատուրքերի, հարկերի, հատուկ, հակազնագցման, փոխհատուցման տուրքերի հաշվարկման համար կիրառվում են ներմուծման մաքսատուրքերի, հարկերի, հատուկ, հակազնագցման, փոխհատուցման տուրքերի դրույքաչափերը, որոնք գործում են ապրանքները

«մաքսային տարածքում վերամշակում» մաքսային ընթացակարգով ձևակերպելու համար ներկայացրած ապրանքների հայտարարագիրը մաքսային մարմնի կողմից գրանցվելու օրվա դրությամբ, իսկ այն ապրանքների առնչությամբ, որոնց բացթողումը կատարվել է մինչև ապրանքների հայտարարագիրը ներկայացնելը՝ մինչև ապրանքների հայտարարագիրը ներկայացնելն ապրանքների բացթողման մասին դիմումը մաքսային մարմնի կողմից գրանցվելու օրվա դրությամբ:

Օրենսգրքի 134-րդ հովածի համաձայն՝ «ներքին սպառման համար բացթողում» մաքսային ընթացակարգն օտարերկրյա ապրանքների առնչությամբ կիրառվող այն մաքսային ընթացակարգն է, որին համապատասխան ապրանքները Միության մաքսային տարածքում գտնվում և օգտագործվում են առանց օտարերկրյա ապրանքների առնչությամբ մաքսային կարգավորման ոլորտի միջազգային պայմանագրերով և ակտերով նախատեսված՝ տիրապետման, օգտագործման և (կամ) տնօրինման սահմանափակումների, եթե այլ բան սահմանված չէ սույն Օրենսգրքով:

Օրենսգրքի 135-րդ հովածի համաձայն՝ ապրանքները «ներքին սպառման համար բացթողում» մաքսային ընթացակարգով ձևակերպելու պայմաններն են ներմուծման մաքսատուրքերի, հարկերի վճարումը, Օրենսգրքին համապատասխան, արգելքների և սահմանափակումների պահպանումը՝ Օրենսգրքի 7-րդ հոդվածին համապատասխան:

Օրենսգրքի 7-րդ հոդվածի համաձայն՝ ապրանքները տեղափոխվում են Միության մաքսային սահմանով և (կամ) ձևակերպվում են մաքսային ընթացակարգերով՝ ոչ սակագնային կարգավորման միջոցների պահպանմամբ:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 310-րդ 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները կամ տրանսպորտային միջոցները սահմանված ժամկետում չարտահանելը՝ առաջացնում է տուգանք՝ խախտման օրվա դրությամբ այդ ապրանքների կամ տրանսպորտային միջոցների

համար «Բացթողում» ներքին սպառման համար» մաքսային ընթացակարգով նախատեսված մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության քսան տոկոսի չափով, բայց ոչ պակաս, քան հիսուն հազար դրամի չափով:

ՀՀ ՊԵԿ Արևմտյան մաքսատուն-վարչության փաստաթղթային հսկողության և մուտքերի համակարգման բաժնի կողմից 25.07.2023թ. տրամադրված տեղեկանքի համաձայն «Էմբրի» ՍՊԸ-ի կողմից հետագա արտահանման պարտավորությամբ Հայաստանի Հանրապետությունից ժամանակավորապես արտահանված ապրանքների՝ խախտման օրվա՝ 18.06.2022թ. դրությամբ «ներքին սպառման համար բացթողում» մաքսային ռեժիմով նախատեսված մաքսային վճարների չափը կազմում է 245,910 ՀՀ դրամ:

Սույն գործի փաստական հանգամանքների և կիրառման ենթակա իրավական նորմերի համադրված վերլուծությունը փաստում է, որ «Էմբրի» ՍՊԸ-ի տնօրեն Սարգիս Համլետի Կարապետյանը հետագա ներմուծման պարտավորությամբ Հայաստանի Հանրապետությունից արտահանված ապրանքները սահմանված ժամկետում չի ներմուծել, ինչը հանգեցրել է վերջինիս կողմից «Մաքսային կարգավորման մասին» ՀՀ օրենքի 310-րդ 1-ին մասով նախատեսված մաքսային կանոնների խախտման:

Հիմք ընդունելով վերոգրյալը և ղեկավարվելով «Մաքսային կարգավորման մասին» ՀՀ օրենքի 322-րդ հոդվածով, 334-րդ հոդվածի 1-ին մասի 1-ին կետով և Վարչական իրավախախտումների վերաբերյալ ՀՀ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց՝

1. «Էմբրի» ՍՊԸ-ի տնօրեն Սարգիս Համլետի Կարապետյանին ենթարկել վարչական պատասխանատվության «Մաքսային կարգավորման մասին» ՀՀ օրենքի 310-րդ հոդվածի 1-ին մասով և նրա նկատմամբ նշանակել տուգանք 50000 ՀՀ դրամի չափով:

2. Սույն որոշումը «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ ուժի մեջ է մտնում կայացման պահից և ուժի մեջ մտնելուց հետո երկամսյա ժամկետում կարող է բողոքարկվել վերադաս մաքսային մարմին կամ ՀՀ վարչական դատարան:

Ծանոթություն. Սույն որոշմամբ նշանակված փողոցի գումարը ենթակա է վճարման Կենտրոնական գանձապետարանի №900005024055 հաշվեհամարին 90 ծածկագրով: Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն: Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում:

ՀՀ ՊԵԿ ԱՐԵՎՄՏՅԱՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ԳԱՐԻԿ ՄԻՆԱՍՅԱՆ